



Kerneier Lyrik

Seite 1

Gewohnheiten

Die Tuwaksnoot... von Georg Krämer

Dr Chrischtjonvetter is a Mann,
Der alli Tag sei' Tuwak muss hann.
Hott'r kohnr, no is's schlecht
Un seinr Alde is's aa nett recht.
Weil noot tobt- un flucht'r allweil so,
Un will nett an die Arweit droo'.
Noot geht'r g'schwind ins Gwelb nei',
Doch Tuwak henn sie kohnr, is des a Phei'.
Noot geht'r g'schwind im Ärgr hoom
Un nemmt derri Blättr vum Akaazeboom.

Marjets, drhoom... von Peter Gärtner

Im Winter, wann's kalt war un hott gfraare
Un eelangi Eiszappe am Dachtrapp waare,
Hott'r Vatr allweil in dr Fruh
Brennsach in die Kuchl g'traage far in dr Oofe tu'.
S'mensch macht dr Vatr des so:
S'erscht roppt'r oo Karb voll Stroh.
Noot holt'r Stengl odr Laab zwaa-drei Buschl,
Des schafft'r aa zum Stroh in die Kuchl.
Jetz hott'r sich neewrs Oofeloch hie'ghockt
Un hott mool Stroh, mool Stengl neigstoppt.
Wie're alles v'rschier hott ghat
Un mit am Backschießr die Glut uff die Seit hott gmacht,
Is'r in die Stehkammr gange,
Dart henn die Werscht, Schunge un Schwartemaage ghange.
Runrgschnitt hott'r sich was, so viel'r hott gwellt
Un in dr Tepsi uff dr Dreifuß mit dr Gawl in dr Oofe nei'gstellt.
Die Oofetier hott'r noot droo
Un die Werscht henn g'broode ganz vun alloo.
Noot is dr Vatter in dr Hof naus un hott die Tiire alli uffgschlosse
Un vum Hingl stall die Hingl rausglosse.

Die Mottr hott drweil drin die Bettr gmacht,
Weil die Kinnr waare aa schun alli uffgwacht.
S'erscht hott sie die Strohsäck uffgeschittelt,
S'Bascht schee gleichmäßig ausenandr grittelt.
Uff dr Polschtre hott die Bettziech gleege,
Varne schee glatt un owe ganz eewe.



Kerneier Lyrik

Seite 2

Gewohnheiten

S' letscht hott sie die Kaperdecke driwrgschmisse
Un mit'm Handbeese gleichmäßig driwrgstriche.
Noot hott die Mottr gschwind ausg'kehrt un alles abgstaabt.
Dr Vatr hott sei' Bunde umhängt,
Is uff die Gass un hott a Pheif Tuwak graacht.

Die Kinnr henn's Brot aus dr Tischlaad gnumme,
Die Mottr is mit dr g'broodeni Werscht rei'kumme.
Noot hott'mr dr Vatr zum Fruhstuck rei'gruufe,
Der tut uff'm Oofe die Wei'flasch s'erscht suche.
Wie're gsehge hott, dass alles schun uff'm Tisch steht,
Hott'r sich g'freit un sei' Bart kräftich g'dreht.
Alli henn sich noot an dr Tisch hie'gsetzt
Un dr Vatr hott noch's Brotmesser gwetzt.
Jetzt hott'r drei Kreiz gmacht am Laib in dr Mitte
Un jedem o Stick Brot noot losgschnitte.
Alles hott jetzt mit'm Esse oo'gfange,
Die Wei'flasch is allweil im Kringl rumgange.
Die Mottr hott noot noch zugsproche:
„Esst eich satt, s'gibt nix bis zum Mittagkoche.
Jetzt henn alli erscht richtig gesse un g'trunke,
In dr Tepsi fescht rumherg'tunke.
Ganz sauwr henn die Kinnr die Tepsi ausgriewe,
Nar die Knoche un Schwarte sin iwrich g'bliewe.

Sonntag marjets... von Peter Gärtner

Kaum war die Sunn haus,
Waare die Männr am Gewl drauß.
Die Alte henn sich uff's Bänkl khokt
Un ihre Pheif voll Duwak gstoppt.
Die junge Männr henn's nett so schee',
Die henn im Steh misse ihre Zigarettle dreh'.
Ohnr hott v'rzählt, die anre henn zukharcht
Un drbei ihre Pheif odr ihre Zigarettle graacht.

Weiw'r hott'mr allritt gsehge,
Wie sie in dr dunkle Tracht in die Fruhmeß geh'.
In braati Röck un gschrickti Schuhg,
Un's passenti Liwatl drzu.
Mit am Kopp-un Halstiechl,
In dr Hand dr Rosekranz un's Betbiechl.



Kerneier Lyrik

Gewohnheiten

Die Madle sin zum Zoppmache grennt,
Selwrscht mache henn sie's eh nett g'kennt.
Die henn g'klizirt vum Gänseschmalz,
Gnau, wie die braat Goldkett am Hals.
Bei dr Knechte waar's gwehnentlich soo,
Die sin in dr Fruh hoom un henn sich umg'zooge
Un im schennschte Sonntagsgwand,
Sin sie noot ins Hochamt.
S' allerersch sin sie an dr Kerchegarte
Un henn uff die schee' oo'g'zoogene Madle gwarde.
Wann die Madle oo'kumme sin, in ihre scheene Tracht,
Hott'r Buuwe s'Herz glacht.

Die Balwiere henn Sunntags in dr Fruh,
Allweil am Meischte zu tu'.
Die Leit henn als noch gschloofe,
Sin die schun bei uns von Haus zu Haus gloffe.
Ja, die Männr henn's domools schee,
Dr Balwiere hott zu dr Kundschaft misse geh'.

Dr Kiehaltr hott in allr Fruh g'bloose,
Dass die Leit ihre Kieh uff die Gass losse.
Bis uff die owre Wiese hott'r die Kieh misse treiwe,
Bloß die kloone Kälwle henn im Stall derfe bleiwe.

Die Schuhschtre- un Schneidr-Lehrbuuwe derf'mr a nett v'rgesse,
Die henn's fertichi Sach hoomtrage messe,
Wann a Kundschaft noch so arm war,
Trinkgeld hott's trotzdem gewe, oo paar Dinar.

Bei dr meischte Leit waar's so gweese:
Ohn's vun dr Familie hott dr hoom bleiwe messe.
Es war dr G'brauch in Kernei,
G'nau um zwelf Uhr hott's Esse uff'm Tisch misse sei'.